

地方志

叢刊續編

日本藏中國罕見

北京圖書館出版社

不罕知覺

殷夢霞 選編

日本藏中國罕見

地方志

叢刊續編

第 15 冊

北京圖書館出版社

殷夢霞

肇慶府志卷二十一

知肇慶府事攜李陸

葵纂脩

高明縣舉人區懷瑞

高要縣舉人何湛然

高要縣舉人黃虞龍分輯

生員陳詩教叅訂

流寓傳

區懷瑞曰盈天地間皆寓也而志乘於名宦
鄉賢外更傳流寓者何居豈非以英淑所鍾

民社所托尚得爲山川主彼註誣放逐之跡
羈孤蓬累之跡當世或不齒千載下與山川
炳重語云苟令君坐處三日有香士砥行抗
節固有卑荀令而不稱者品泉劖石雲漢爲
昭香豈直三日哉它如回哀匪類名點汗竹
身遭竄斥以禦魑魅而蔚乎文績未易捐棄
譬之鸚鵡能言山鷄吐綬亦天壤所露靈耳
目所共賞况蒨蕘之采葑菲之節原不以人
廢乎故沈宋文士得附諸賢之後

葉春及曰自古聖人曷嘗不以刑賞治天下哉福不及滛人刑必加有罪故天下懲勸而聖人之權尊若舜流放竄殛必於四凶大功二十此其四也大阿御而人無敢齒者非能割乎割之不能鉛刀不若人君操刑賞之權而不足以懲勸亦鉛刀之類也昔者唐宋之際春新諸州號稱瘴癘效忠秉節之臣往往投此夫其投此必謂不才渾敦窮奇櫛肌饕餮待斯人而五六也朝飢懸而暮罔兩然後

世主甘心死，主快志孰知。嶺海之隅，幽遐靡
鳳洒然庚桑尸祝而社稷之矣。千載之下，俎
豆不絕非以此爲諸公湯沐邑乎。一時儉人
見謂忠良紆金紫而享富貴，而民反梟獍之
手持大阿斯民而授之柄，則亦何以賞罰爲
方今風氣久開，瘴癘不作，負譴南來，本非謫
所皆得擇便而居。

朝廷之仁邁唐宋矣。因類書之若彼，凶人惡浮
其罪辱我山川，豈宜與諸賢齒第書郡紀，或

分註流寓之下

唐李邕字泰和揚州江都人父善註文選釋事而忘意邕附事見義故兩書並行旣冠見特進李嶠願讀秘書得假直閣未幾辭去嶠驚問與篇隱帙了辯如嚮嘆曰子且名家召拜左拾遺御史中丞宋璟劾張昌宗等反狀武后不應邕立階下大言曰璟所陳社稷大計陛下當聽后色解即可璟奏出或讓之邕曰邕如是名亦不傳中宗立鄭普思以方技幸

樞密書監邕諫不納五王爲武三思所殺邕
坐善張柬之貶富州司戶叅軍韋氏平召拜
左臺殿中侍御史彈劾任職人頗憚之改戶
部員外郎又貶舍城丞玄宗卽位召爲戶部
郎中張廷珪姜皎欲引爲御史中丞姚崇疾
其險躁左遷括州司馬起爲陳州刺史帝封
泰山還邕獻辭賦帝悅然矜肆自謂且宰相
素輕張說與相惡會仇人告其贓貸枉法下
獄當死許昌男子孔璋上書訟得減死貶遵

化尉流璋嶺南邕妻溫復爲邕請戍邊自贖
表入不省後從中人楊思勗討嶺南賊有功
徙豐州司馬起爲括州刺史歷溫滑二州上
計京師人間傳其眉目瓌異阡陌聚觀後生
整風內謁門巷填隘中人臨問索所爲文章
且進上以讒媚不得留出爲北海太守天寶
中左驍衛兵曹柳勣有罪下獄邕嘗遣勣馬
吉溫與宰相李林甫因傳以罪詔御史羅希
奭就郡杖殺之時年七十邕表於碑頌人奉

金帛請所受鉅萬計性豪侈不拘細行請托
賄謝收遊自肆終以敗云今崧臺石室有邕
大書景福字又嘗作石室記時開元十五年
而思勗討平瀧州首領陳行範乃十六年蓋
從思勗時過此記稱陳州刺史舊秩也

唐書

附沈佺期字雲卿內黃人及進士第由協律郎累除給事考功受賕劾未寃會張易之敗遂長流驪州久寓端康稍遷台州錄事參軍事入計得召見拜起居郎兼脩文館直學士侍宴帝詔學士等舞回波佺期爲弄辭悅帝還賜牙緋尋歷中書舍人太子少詹事卒有峽山寺賦

見外志

宋之問字延清汾州人偉儀雄辨甫氣武
召與楊炯分直其館擢尚書監丞左奉宸
內供奉武后遊洛南龍門詔從臣賦詩左史
東方虬詩先成后賜錦袍之問俄頃獻后覽
之嗟賞更奪袍以賜于時張易之烝昵寵甚
之問與同朝隱沈佺期劉允濟傾心媚附易
之所賦諸篇盡之問朝隱所爲至爲易之奉
溺器及敗貶濳州朝隱崖州並叅軍事之問
逃歸洛陽匿張仲之家會武三思復用事仲
之與王同皎謀殺三思安王室之問得其實
令兄子曇與冉祖雍上急變因丐贖罪由是
擢鴻臚主簿天下醜其行景龍中遷考功員
外郎諂事太平公上故見用及安樂公主權
盛復往諧結故太平深嫉中宗將用爲中書
舍人太平發其知貢舉時賕餉狼藉下遷汴
州長史未行改越州長史頗自力爲政窮歷
剡溪山置酒賦詩流布京師人人傳諷睿宗
立以儉險盈惡流欽州祖雍亦流嶺南並賜

死桂州之間得詔震汗東西步不引夾祖雍
請使者曰之間有妻子幸聽決使者許之而之
問荒悖不能處家事祖雍怒日與公俱負國
家當死柰何遂回耶乃飲食沐浴就死之間
在端州有別袁
侍即詩見藝文

自魏建安後迄江左詩律屢變至沈約庾信
以音韻相婉附屬對精密佳期與之間又加
靡麗回忌聲病約句準篇如錦繡成文學者
宗之彌爲沈宋語日蘇李居前沈宋比肩蓋
謂蘇武
李陵也

劉幽求冀州人聖曆中應制舉拜閬中尉刺史
不禮棄官去久之授朝邑尉桓彥範等誅張
易之昌宗而不殺武三思幽求謂彥範曰

等無葬地矣既五王皆爲三思構死臨淄王
入誅韋庶人預叅大策授中書舍人叅知機
務睿宗立拜侍中先天元年爲尚書右僕射
同中書門下三品幽求自謂有勞於國在諸
臣右而竇懷貞爲左僕射崔湜爲中書令殊
不平已而湜等附太平公主將爲逆幽求與
右羽林將軍張暉定謀使暉說玄宗曰湜等
皆太平黨與日夜謀不軌若不早圖太上不
得安枕矣臣請督羽林兵誅之帝許之未發

也而韓滂言於侍御史鄧光賓帝懼卽刺其
狀成宗以幽求等屬吏奏以疎間親罪死帝
密申祐之乃流封州明年太平誅卽日召復
舊官知軍國事初幽求之流封州也崔湜諷
廣州都督周利貞殺之王峻時爲桂州都督
道出其所股臂不追利貞移書趣幽求峻營
救乃免未幾湜誅幽求復執政利貞貶雷州
賜死時論快之

唐書
通志

郭元振名震以字顯魏州貴鄉人長七尺大突頰

孫少有大志十六爲大學生家送貲四十萬
會市級服者叩門自言五世未葬願假以給
喪元振舉與之無少吝一不質名氏十八舉
進士爲通泉尉任俠使氣撥去小節嘗盜鑄
及掠賣部中口千餘以餉遺賓客百姓厭苦
武后召欲詰院與詰奇之索所爲文章上寶
劍篇后覽嘉嘆卽授右武衛鎗曹參軍進奉
宸監丞累官兵部郎中中書門下三品玄
宗誅太平公主也

宋太師相

伏外省獨元振總兵扈帝封代國公
史大夫復爲朔方大總管以備突厥未行會
玄宗講武驪山旣三令帝親鼓之元振遽奏
禮止帝怒軍容不整引坐燾下將斬之劉幽
求張說扣馬諫曰元振有大功雖得罪當宥
乃赦死流新州開元元年帝思舊功起爲饒
州司馬怏怏不得志道病卒年五十八贈太
子少保元振雖少豪邁及貴居處乃儉約手
不置書人莫見其喜愠建宅宣陽里未嘗一

至諸院廐自還朝對親欣欣退就室儼如也
距國初仕致宰相而親具者惟元振云

唐書

趙博宣冀州人也登進士第文章俊拔性率多
酒陳許節度使曲環辟爲從事賓筵之間多
所忽畧環不能容朝廷方討淮蔡環誣奏博
宣受吳少誠賂爲反間又妄說國家休咎漏
惑軍情時博宣權知舞陽縣事詔令環決杖
四十流於康州人皆以爲枉

唐書

宋劉摯字莘老永靜東莞人擢甲科用薦得